

Na osnovu Zaključka donesenog na sastanku Odbora QMS/EMS/OHS održanog 31.03.2016. godine, donosim

ODLUKU

o informiranju zainteresovanih strana o okolinskim i bezbjedonosnim učincima proisteklim iz poslovanja KJKP «Toplane-Sarajevo» d.o.o.

1. KJKP „Toplane-Sarajevo“ d.o.o., za kotlovska postrojenja, uključujući skladišta naftnih derivata, nema zakonsku obavezu izrade i dostavljanja izvještaja nadležnim institucijama, kako slijedi:
 - *Izveštaj o stanju sigurnosti, Informacije o sigurnosnim mjerama i Unutrašnji plan intervencije* i to u skladu sa Pravilnikom o sadržaju Izvještaja o stanju sigurnosti, sadržaju informacija o sigurnosnim mjerama i sadržaju unutrašnjih i spoljnih planova intervencije („Sl. novine F BiH“, broj 68/05).
 - *Plan sprečavanja nesreća većih razmjera*, jer kotlovska postrojenja ne posjeduju opasne supstance u količinama iznad količina navedenih u članu 10. i članu 11. Pravilnika o pogonima i postrojenjima za koje je obavezna procjena uticaja na okoliš i pogonima i postrojenjima koji mogu biti izgrađeni i pušteni u rad samo ako imaju okolinsku dozvolu („Sl. novine FBiH“, broj 19/04), te u vezi s tim, postrojenja KJKP „Toplane-Sarajevo“ uključujući skladišta naftnih derivata, ne spadaju u pogone i postrojenja koja mogu izazvati nesreće većih razmjera.
2. Procijenjeni okolinski i bezbjedonosni aspekti koji su evidentirani kao rezultat tehnoloških procesa KJKP „Toplane-Sarajevo“, nisu takvog intenziteta da bi morali biti saopšteni zainteresovanim stranama (mediji, nevladine organizacije i sl.).
3. Prema odredbama okolinskih dozvola izdatih za kotlovska postrojenja instalirane snage veće od 1 MW, KJKP „Toplane-Sarajevo“ je dostavilo izvještaj elektronskim putem – unošenjem podataka u bazu podataka BH PRTR (Registar zagađivača) i to do 30.06.2015. godine za prethodnu 2014. godinu, što je u skladu sa Pravilnikom o registrima postrojenja i zagađivanjima („Sl. novine F BiH“, broj 82/07).
4. Izvještaje o rezultatima mjerenja emisija zagađujućih materija u zrak, KJKP „Toplane-Sarajevo“, za sva kotlovska postrojenja, u za to propisanom roku, je dostavilo Ministarstvu prostornog uređenja, građenja i zaštite okoliša Kantona Sarajevo.
5. U svojstvu obveznika plaćanja naknada zbog emisije zagađujućih materija u zrak, a u skladu sa Uredbom o vrstama naknada i kriterijuma za obračun naknada za zagađivače zraka („Sl. novine FBiH“, br. 66/11 i br. 107/14), KJKP „Toplane-Sarajevo“, za sva postrojenja kojima raspolaže, je dostavilo Fondu za zaštitu okoliša FBiH, izvještaj o godišnjoj emisiji zagađujućih materija za proteklu 2014. godinu.
6. Sve pojedinačne i zbirne godišnje izvještaje o ispitivanju i ocjeni kvaliteta otpadnih voda, za sva kotlovska postrojenja snage veće od 1 MW koja posjeduju vodne dozvole, ovlaštena laboratorija je dostavila nadležnoj Agenciji za vodno područje rijeke Save.



7. Plan upravljanja otpadom u Preduzeću je usaglašen sa važećom Državnom, Federalnom i Kantonalnom zakonskom regulativom. Godišnji izvještaji o kretanju otpada za kotlovska postrojenja dostavljeni su elektronskim putem u okviru unošenja podataka u bazu podataka BH PRTR. Polugodišnji izvještaji o vrstama i količinama električnih i elektronskih proizvoda, kao i godišnji izvještaji o vrstama i količinama ambalaže i ambalažnog otpada, dostavljeni su Fondu za zaštitu okoliša FBiH a sve u svojstvu obveznika plaćanja naknada za električni i elektronski otpad odnosno za ambalažu i ambalažni otpad. Podaci o toku i nastanku otpada u ostalim organizacionim jedinicama Preduzeća se kvalitetno vode i dostupni su u slučaju traženja nadležnih organa uprave. Sve količine proizvedenog otpada predane su ovlaštenim sakupljačima na daljnju obradu i konačno zbrinjavanje.
8. Već dugi niz godina rada i poslovanja KJKP „Toplane-Sarajevo“ kao preduzeća od općeg interesa za Kanton Sarajevo, nije bilo nikakvih vanrednih ili incidentnih situacija o kojima bi zainteresovane strane trebale biti odmah obavještene.
9. Dosadašnju praksu informiranja zainteresovanih strana o poslovanju, Politici, Ciljevima integrisanog sistema upravljanja kvalitetom, okolinom, zdravljem i sigurnošću na radu, kao i aktivnostima poboljšanja, nastavljaju se putem:
 - javnih istupa Direktora, Izvršnih direktora ili drugih zaposlenika po ovlaštenju Direktora Preduzeća, putem elektronskih medija (radio i TV stanice, web portali)
 - štampanih medija (kada se za to ukaže potreba)
 - reklamnih brošura i stručnih prezentacija
 - organizovanih pres-konferencija na vlastitu inicijativu
 - web stranice Preduzeća
10. Ova Odluka je u potpunosti usaglašena sa dokumentima sistema: Poslovníkom i Procedurom za internu i eksternu komunikaciju (OP/102/22).

Sarajevo, 31.03.2016. godine

Predsjednik Odbora QMS/EMS/OHS
Admir Džubur